

四庫全書

集部

欽定四庫全書

御定全唐詩卷六百六十二

羅隱

夜泊義興戲呈邑宰

溪畔維舟問戴星此中三害有一作在圖經長橋可避南

山遠却恐難防是最一作醉靈

聽琵琶

香筵酒散思朝散散偶向梧桐暗處聞大抵曲中皆有恨

滿樓人自

一作是

不知君

經耒陽杜工部墓

紫菊馨香覆楚醪
奠君江畔雨蕭騷
旅魂自是才相累

閒骨何妨塚更高
騷驥喪來空蹶蹶
芝蘭衰後長

一作遠

蓬蒿屈原宋玉鄰

一作憐居

處幾駕青螭緩鬱陶

題袁溪張逸人所居

蒲梢獵獵燕差差

一作池

數里溪光日落時
芳樹

一作草

文

君機上錦遠山孫壽鏡中睂
雞窗夜靜開書卷
魚檻春

深展釣絲若使浮名拘絆得世間何處有男兒

昇平公主舊第

乘鳳仙人降此時玉篇纔罷到文詞兩輪水磴光明照
百尺鮫綃換好詩帶礪山河今盡在風流罇俎見無期
壇場客散香街暝惆悵齊竽取次吹

寄黔中王從事

故人刀筆事軍書南轉黔江半月餘別後鄉關情幾許
近來詩酒興何如貪將醉袖矜鶯谷不把瑤絨附鯉魚

今日舉觴

一作場

君莫問生涯牢落鬢蕭疎

闕亭春望

闕畔春

一作風

雲拂馬頭馬前春事共悠悠風搖

一作欺

岸

柳長條困露裛山花小朵愁信越功名高似狗裴王氣
力大於牛未知至竟將何用渭水涇川一向流

寄徐濟進士

一本題下無進士二字

往年踈嬾共江湖月滿花香記得無霜壓楚蓮秋後折
雨催蠻酒夜深酤紅塵偶別

一作到

迷前事丹桂相傾

一作

輕
媿後徒一作圖出得函關抽得手從來不及阮元瑜

寄韋瞻

石城蓑笠阻心期落盡山花有所思羸馬二年蓬轉後
故人何處月明時風催曉雁一作燕看看別雨脅秋蠅漸
漸癡禪智闌干市橋酒縱然相見只相悲

雲溪晚泊寄裴庶子

溪風如扇雨如絲閒步閒吟一作行柳惲詩杯酒疎狂非
曩日野花狼藉似當時道窮謾有依劉感才急應無借

寇期滿眼雲山莫相笑與君俱是受深知

送姚安之赴任秋浦

官罷春坊地象雷
片帆高指貴池開
五侯水暖魚鱗去
九子山晴雁叙來
江夏黃童徒逞辯
廣都龐令恐非才
到頭稱意須年少
贏得時光向酒杯

寄喬逸人

南經湘浦

一作水

北揚州別後風帆幾度游
春酒誰家禁

爛漫野花何處最淹留
欲憑尺素邊鴻嬾未定
雕梁海

燕愁長短此行須入手更饒君占一年秋

塞外

塞外偷兒塞內兵聖君宵旰望升平
碧幢未作朝廷計白挺猶驅婦女行
可使禦戎無上策只應憂國是虛聲
漢王一作皇第宅秦田土今日將軍已自榮

裴庶子除太僕卿因賀

楚珪班序未為輕莫惜良途副聖明
宮省舊推皇甫謐寺曹今得夏侯嬰
秩隨科第臨時貴官逐簪裾到處清

應笑馬安虛巧宦四迴遷轉始為卿

詠史

蠹簡遺編試一尋寂寥前事似如今徐陵筆硯珊瑚架
趙勝賓朋璫瑁簪未必片言資國計只應邪說動人心
九原郝泚何由起虛誤西蕃八一作八尺金

中元夜泊淮口

木葉迴飄

一作迎颿

水面平偶因

一作停

孤棹已三更秋涼霧

露侵燈下夜靜魚龍逼岸行歌枕正牽題柱思隔樓誰

轉遶梁聲錦帆天子狂魂魄應過揚州看月明

寄池州鄭員外

獸遶朱輪酒滿船郡城蕭灑貴池邊衣同萊子曾分筆
扇似袁宏別有天九點好山樓上客兩行高柳雨中煙
陵陽百姓將何福祉舞村歌又一年

歸夢

陸海波濤漸漸深一迴歸夢抵千金路傍草色休多事
牆外鶯聲肯有心日晚向隅悲斷梗夜闌澆酒哭知音

貪財敗陣誰相悉鮑叔如今不可尋

送溪州使君

兵寇傷殘國力衰就中南土藉良醫鳳銜泥詔辭丹闕
鵬倚霜風上畫旗官職不須輕遠地生靈只是計臨時
灞橋酒醪黔巫月從此江心兩所思

一作地悲

送雲川鄭員外

明時塞詔列分麾東擁朱輪出帝畿銅虎貴提天子印
銀魚榮傍老萊衣歌聽茗塢春山暖詩詠蘋洲暮鳥飛

知有掖垣南步在可能須待政成歸

酬寄右司李員外

當年憶見桂枝春自此清途未四旬
左省望高推健筆右曹官重得名人
閑攜麗藻嫌秋興靜獵遺編笑過秦
猶把隨和向泥滓應憐疎散任天真

蓮塘驛

蓮塘館東初日明蓮塘館西行人行
隔林啼鳥似相應當路好花疑有情
一夢不須追往事數杯猶可慰勞生

莫言來去只如此君看鬢邊霜幾莖

甘露寺火後

六朝勝事已塵埃猶有閒人悵望來只道鬼神能護物
不知龍象自成灰犀慙水府渾非怪燕說吳宮未是災
還識平泉故侯否一生蹤跡比一作樓臺

春日登上元石頭故城

萬里傷心極目春東南王氣只逡巡野花相笑落滿地
山鳥自驚一作憐啼傍人謾道城池須險阻可知豪傑亦

埃塵太平寺主惟輕薄却把三公與賊臣

送宣武徐巡官

傲睨公卿二十年東來西去只悠然白知關畔元非馬
玄覺壺中別有天漢帝詔銜應異日梁王風雪是初筵
臨行不惜刀圭便愁殺長安買笑錢

冬暮寄裴郎中

曉髮星星入鏡

一作髮

宜早年容易近年悲敢言得事時

將晚只恐酬恩日漸遲南國傾心應望速東堂開口欲

從誰仙郎舊有黃金約
瀝膽隳肝更禱祈

中元甲子以辛丑駕幸蜀四首

子儀不起渾瑊亡
西幸誰人從武皇
四海為家雖未遠
九州多事竟難防
已聞盱食思真將
會待畋遊致假王
應感兩朝巡狩跡
綠槐端正驛荒涼

爪牙柱石兩俱銷
一點渝塵九土搖
敢恨甲兵為棄物
所嗟流品誤清朝
幾時睿筭殲張角
何處愚人戴隗嚣
跪望峻一作山重啟告
可能餘烈不勝妖

邪氣奔屯瑞氣移清平過盡到艱危縱饒犬彘迷常理
不柰豺狼幸此時九廟有靈思李令三川悲憶恨張儀
可憐一曲還京樂重對紅蕉教蜀兒

白丁攘臂犯長安翠輦蒼黃路屈盤丹鳳有情塵

一作懷雲

外遠玉龍無跡

一作主

渡頭寒靜憐

一作思

貴族謀身易危

惜

一作覺

文皇創業難不將不侯何計是釣魚船上淚闌

干

此一首題一本作偶懷

題潤州妙善前石羊

傳云吳主孫權與蜀主劉備嘗此置會云

紫髯桑蓋此沈吟
很石猶存事可尋
漢鼎未安聊把手
楚醪雖滿肯同心
英雄已往時難問
苔蘚何知日漸深
還有市鄆沽酒客
雀喧鳩聚話蹄涔

登宛陵條風樓寄竇常侍

亂罹

一作離

時節懶登臨
試借條風半日吟
只有遠山含

煖律不知高閣動
歸心溪喧晚棹千聲浪
雲護寒郊數丈陰
自笑疎慵似麋鹿也教臺上費黃金

臺城

晚雲陰暎下空城
六代纍纍夕照明
玉井已乾龍不起
金甌雖破虎曾爭
亦知霸世才難得
却是蒙塵事最平
深谷作陵山作海
茂弘流輩莫傷情

甘露寺看雪上周相公

一本題上有潤州二字

篩寒灑白亂溟濛
禱請功兼造化功
光薄乍迷京口月
影交初轉海門風
細黏謝客衣裾一作襟
上輕墮一作拂
梁王酒醖中
一種為祥君看取
半襍災沴半年豐

寄京闕陸郎中昆仲

柏臺蘭署四周旋賓榻何妨雁影連纔見玳簪歌

一作歌

細柳便知油幕勝紅蓮家從入洛聲名大跡為依劉事

分偏爭柰亂惟

一作離

人漸少麥城

一作成

新賦許誰傳

偶題

一題作嘲鍾陵妓雲英

鍾陵醉別十餘春重見雲英掌上身我未成名君未嫁
可能俱是不如人

故都

江南江北兩風流一作迷津一拜侯至竟不如隋煬帝

破家猶得到揚州

董仲舒

災變儒生不合聞
謾將刀筆指乾坤
偶然留得陰陽術
閉却南門又北門

獻尚父大王

數年鐵甲定東甌
夜渡江山瞻斗牛
今日朱方殄後
虎符龍節十三州

蜂

不論平地與山尖無限風光盡被占
採得百花成蜜後
為誰一作不知辛苦為誰甜

簾二首

疊影重紋映畫堂玉鉤銀燭共熒煌
會應得見神仙在
休下真珠十二行

翡翠佳名世共稀玉堂一作皇

高下巧相宜殷勤為囑纖

纖手捲上銀鉤莫放垂

御定全唐詩卷六百六十二

欽定四庫全書

集部

御定全唐詩卷六百六十三至五

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官庶吉士臣范鏊

謄錄監生臣戴朝琛

欽定四庫全書

御定全唐詩卷六百六十三

羅隱

送顧雲下第

行行杯酒莫辭頻，
怨歎勞歌兩未伸。
漢帝後宮猶識字，
楚王前殿更無人。
年深旅舍衣裳敝，
潮打村田活計貧。
百歲都來多幾日，
不堪相別又傷春。

村橋

村橋酒旆月明樓偶逐漁舟繫葉舟莫學魯人疑海鳥
須知莊叟惡犧牛心寒已分灰無焰事往曾將水共流
除却思量太平在肯拋疎散換公侯

送劉校書之新安寄吳常侍

野雲如火照行塵會續溪邊去問津才子省銜非幕客
楚君科策是同人狂思下國千場醉病負東堂兩度春
他日酒筵應見問鹿裘漁艇隔朱輪

官池秋夕

池邊月影閒婆娑池上醉來成短歌芙蓉一作蓉抵死怨

珠露蟋蟀苦口嫌金波往事向人言不得舊遊臨老恨

空多松醪

一作膠

作酒蘭為棹十載煙塵奈爾何

奉使宛陵別二三從事

梁王雪裏有深知偶別家鄉隔路岐官品共傳勝曩日

酒杯爭肯忍

一作忘

當時豫章地暖矜千尺越嶠天寒愧

一枝還有釣魚蓑笠在不堪風雨失歸期

金陵思古

杜秋在時花解言杜秋死後花更秊柔姿曼態葬何處
天紅膩白愁荒原高洞紫簫吹夢想小窗殘雨濕精魂
綺筵金縷無消息一陣征帆過海門

送王使君赴蘇臺

東南一望可長吁猶憶王孫領虎符兩地干戈連越絕
數年麋鹿臥姑蘇疲甿賦重全家盡舊族兵侵大半無
料得伍員兼旅寓不妨招取好揶揄

憶九華

九華巉崿廕柴扉長憶前時此息機
黃菊倚風村酒熟綠蒲低雨釣魚歸
干戈已是三年別塵土那堪萬事違
回首佳期恨多少夜闌霜露又霑衣

送裴饒歸會稽

金庭路指剡川隈珍重良朋自此來
兩鬢不堪悲歲月一卮猶得話塵埃
家通曩分心空在世逼橫流眼未開
笑殺山陰雪中客等閑乘興又須回

送程尊師之晉陵

棟間雲出認行軒郊外陰陰夏木繁高道乍為張翰侶
使君兼是世龍孫溪含句句清連一作流底酒貫餘杭淥
滿樽莫見時危便乘興人來何處不桃源

吳門晚泊寄句曲道友

采香徑在人不留采香徑下停

一作停

葉舟桃花李花鬪

紅白山鳥水鳥自獻酬十萬梅銷空寸土三分孫策竟
荒丘未知到了關身否笑殺雷平許遠遊

貴池曉望

稂莠叅天剪未平且乘孤櫂且行行計疎狡兔無三窟
羈甚賓鴻欲一生合眼亦知非本意傷心其奈是多情
前溪好泊誰為主昨夜沙禽占月明

寄崔慶孫

故人何處又留連月冷風高鏡水邊文陣解圍纔昨日
醉鄉分袂已三年交情澹泊應長在俗態流離且勉旃
還擬山陰一乘興雪寒難得渡江船

寄楊秘書

蕭蕭檐雪打窗聲因憶江東阮步兵兩信海潮書不達
數峰稽嶺眼長明梅蘤幾處垂鞭看酒好何人倚檻傾
會待與君開秫甕滿船般載鏡中行

酬章處士見寄

中原甲馬未曾安今日逢君事萬端亂後幾回鄉夢隔
別來何處路行難霜鱗共落三門浪雪鬢同歸七里灘
何必新詩更相戲小樓吟罷暮天寒

送丁明府赴紫溪

一作
唐山任

金微玉軫肯踟蹰偶滯良

一作長

途半月餘樓上酒闌梅

折後馬前山好雪晴初樂公社在憐鄉樹潘令花縣賀
版輿縣譜莫辭留舊本異時量度更何如

寄前宣州竇常侍

一作尚書

往年西謁謝玄暉樽酒留歡醉始歸曲檻柳濃鶯未老
小園花煖

一作嫩
一作艷

蜨初飛噴香瑞獸金三尺舞雪佳人

玉一圍今日亂罹

一作離

尋不得滿蓑風雨釣魚磯

秦望山僧院

峴峴危岫倚滄洲聞說秦皇亦此遊
霸主卷衣纔二世
老僧傳錫已千秋陰崖水賴一作漱
松梢直蘚壁苔侵畫
像愁各是病來俱未了莫將煩惱問湯休

送光祿崔卿赴闕

一年極目

一作目斷

望西轅此日殷勤聖主恩上國已留虞

寄命中朝應聽范汪言官從府幕歸卿寺路向干戈見
禁門鴈侶寂寥曹署冷更堪嗚咽問田園

寄程尊師

鶴信雖然到五湖
煙波迢遞路崎嶇
玉書分薄花生眼
金鼎功遲雪滿鬚
一作顯
三秀紫芝勞夢寐
一番紅槿恨朝晡
未知朽敗凡間骨
中授先生指教無

定遠樓

前年上將定妖氛
曾築巖城駐大軍
近日關防雖弛柝
舊時欄檻尚侵雲
蠻兵績盛人皆伏
坐石名高世共聞
唯恐亂來良吏少
不知誰解叙功勲

送程尊師東遊有寄

華蓋峰前擬卜耕主人無奈又閑行且憑鶴駕尋滄海
又恐犀軒過赤城絳簡便應朝右弼紫旄兼合見東卿
勸君莫忘歸時節芝似螢光處處生

江亭別裴饒

行杯且待怨歌終多病憐君事事同衰鬢別來光景

一作

嶺裏故鄉歸去亂

一作離

中乾坤墊裂三分在井邑摧

殘一半空日晚長亭問西使不堪車馬尚萍蓬

江南寄所知周僕射

曾陪公子醉西園
峴首碑前事嬾言
世亂共嗟王粲老
時危俱受信陵恩
潮憐把醖吟江徼
雨憶凭闌望海門
飛蓋寂寥清宴罷
不知簪履更誰存

錢唐見芮逢

蔡倫池北雁峰前
懼一作離

亂相兼

十九年所喜故人猶

會面不堪良牧已
重泉醉思把筇歌

一作敲

歌席狂憶判

身入酒船今日與
君贏得在戴家灣
裏兩皤然

江都

淮王高譙動江都曾憶狂生亦坐隅
九里樓臺牽翡翠
兩行鴛鴦踏真珠歌聽麗句秦雲咽
詩轉新題蜀錦鋪
惆悵晉陽星拆後世間兵革地荒蕪

湖上歲暮感懷有寄友人

雪天螢席幾辛勤同志當時四五人
蘭版地寒俱受露
桂堂風惡獨傷春音書久絕應埋玉
編簡難言竟委塵
唯有廣都龐令在白頭樽酒憶交親

送張綰游鍾陵

南憶龍沙

一作砂

兩岸行當時天下尚清平醉眠野寺花

方落吟倚江樓月欲明老去亦知難重到亂來爭肯不
牽情西山十二真人在從此煩君語姓名

送詥光大師

師以草書應制

禹祠分首戴灣逢健筆尋知達九重聖主賜衣憐絕藝
侍臣摘藻許高蹤寧親久別街西寺待詔初離海

一作江

上峰一種苦心師得了不須回首笑龍鍾

息夫人廟

百雉摧殘連野青
廟門猶見昔朝廷
一生雖抱楚王恨
千歲終為息地靈
蟲網翠環終縹緲
風吹寶瑟助微冥
玉顏渾似羞來客
依舊無言照畫屏

漂母塚

寂寂荒墳一水濱
蘆洲絕島自相親
青娥已落淮邊月
白骨甘為泉下塵
原上荻花飄素髮
道傍菰葉碎羅巾
雖然寂寞千秋魄
猶是韓侯舊主人

感懷

石徑松軒亦自由，謾隨浮世逐飄流。
駕駘路結前一作千

程恨蟋蟀牀生半夜秋，
揜耳惡聞宮妾語低顏，
須向路

人羞雖一作誰教小事相催逼，
未到青雲擬白頭

扇上畫牡丹

為愛紅芳滿砌堦，
教人扇上畫將來。
葉隨彩筆參差長，
花逐輕風次第開。
閒挂幾曾停蛺蝶，
頻搖不怕落莓苔。
根生無地如仙桂，
疑是姮娥月裏栽。

書懷

釣船拋却異鄉來
擬向何門用不才
日晚獨登樓上望
馬蹄車轍滿塵埃

七夕

月帳星房次第開
兩情惟恐曙光催
時人不用穿鍼待
沒得心情送巧來

柳

一簇青煙鎖玉樓
半垂闌畔半垂溝
明年更有新條在
繞亂春風卒未休

羅敷水

雉聲角角野田春
試駐征車問水濱
數樹枯桑雖不語
思量應合識秦人

京中正月七日立春

一二三四五六七
萬木生芽

一作涯

是今日遠天歸雁拂

雲飛近水遊魚迸冰出

貴游

館陶園外雨初晴
繡轂香車入鳳城
八尺家僮三尺筆

何知高祖要蒼生

嚴陵灘

中都九鼎勤

一作動

英髦漁釣牛蓑且遁逃世祖升遐夫

子死原陵不及釣臺高

御定全唐詩卷六百六十三

欽定四庫全書

御定全唐詩卷六百六十四

羅隱

虛白堂前牡丹相傳云太傅手植在錢塘

欲詢往事奈無言六十年來託此

一作此託

根香暖幾飄衰

虎扇格高長對孔融樽曾憂世亂陰難合且喜春殘色

上

一作尚

存莫背闌干便相笑與君俱受主人恩

縣齋秋晚酬友人朱璚見寄

中秋節後捧瓊瑰坐讀行吟數月來只歎雕龍方擅價
不知潁尾竟空回千枝白露陶潛柳百尺黃金郭隗臺
惆悵報君無玉案水天東望一裴回

第五將軍于餘杭天柱宮

一作觀

入道因題寄

交梨火棗味何如聞說苕川已下車

一作卜車

瓦榼尚攜京

口酒草堂應寫潁陽書亦知得意須乘鶴未必忘機便

釣魚却

一作即

恐武皇還望祀

一作祝

軟輪徵入問玄虛

寄無相禪師

老住西峰第幾層為師回首憶南能有緣有相應非佛
無我無人始是僧爛堪作袍名復利鑠金為講愛兼憎
何如一衲塵埃外日日香煙夜夜燈

秋日有寄

丹青未合便回頭見盡人間事始休只有百神朝寶鏡
永無纖浪犯虛舟曾臨鐵甕雖分職近得金陵亦偶遊
東去西來人不會上卿踪跡本玄洲

送前南昌崔令替任映攝新城縣

一作崔令
映替任

五年苛政甚蟲螟深喜夫君已

一作幾

戴星大族不唯專

禮樂上才終是惜生靈亦知單父琴猶在莫厭東歸酒
未醒二月春風何處好亞夫營畔柳青青

下第作

年年模樣一般般何似東歸把釣竿
岳谷謾勞思雨露彩雲終是逐鷓鴣
塵迷魏闕身應老水到吳門葉欲殘
至竟窮途

一作才多

也須達不能長與世人看

丁亥歲作

中元甲子

病想醫門渴望梅十年心地僅成灰
早知世事長如此自是孤寒不合來
谷畔氣濃高蔽日蟄邊聲煖乍聞雷
滿城桃李君看取一一還從舊處開

北邙山

一種山前路入秦嵩山堪愛此傷神
魏明未死虛留意莊叟雖生酌_{一作}滿
巾何必更尋無主骨也知曾有弄

權人羨他緱嶺吹簫客閒訪雲頭看俗塵

重過三衢哭孫員外

爛柯山下忍重到雙檜樓前日欲殘
華屋未移春照灼
故侯何在淚沅瀾不唯濟物工夫大
長憶容才尺度寬
一慟旁人莫相笑知音衰盡路行難

送蘄州裴員外

六枝仙桂最先春
蕭灑高辭九陌塵
兩晉家聲須有主
六朝文雅別無人
榮驅豹尾拋同輩
貴上螭頭見近臣
蘄水蒼生莫相羨
早看歸去掌絲綸

重九日廣陵道中

秋山抱病何處登前時韋曲今廣陵廣陵大醉不解悶
韋曲舊遊堪拊膺佳節縱饒隨分過流年無奈得人憎
却驅羸馬向前去牢落路岐非所能

東歸別所知

芙蓉宮闕二妃壇兩處因依五歲寒鄒律有風吹不變
郗枝無分住應難愁心似火還燒鬢別淚非珠謾落盤
却羨淮南好雞犬也能終始逐劉安

旅舍書懷寄所知二首

思量前事不堪尋
牢落餘情滿素琴
四海豈無騰躍路
一家長有別離心
道從汨沒甘雌伏
跡恐因循更陸沉
寂寞誰應弔空館
異鄉時節獨霑襟

簾卷兩

一作雨

牀琴瑟秋暫憑
前計奈相尤

一作留

塵飄馬

尾甘蓬轉酒憶江
邊有夢留

一作休

一作遊

隋帝舊祠雖寂寞

楚妃清唱亦風流
可憐別恨無人見
獨背殘陽下寺樓

此首江東集
作漢東秋思

西京道中

半夜秋聲觸斷蓬
百年身事算成空
禰生詞賦拋江夏
漢祖精神一作靈憶沛中
未必他時能富貴
只應從此見窮通
邊禽隴水休相笑
自有滄洲一棹風

粉

每持纖白助君時
霜自無慆雪自疑
郎若姓何應解傳
女能窺宋不勞施
妝成麗色唯花妬
落盡啼痕只鏡知
最好玉京仙署裏
更和秋月照瓊枝

贈漁翁

葉艇悠揚鶴髮垂生涯空托一輪絲是非不向眼前起
寒暑任從波上移風濤長歌籠一作秋月裏夢和春雨晝
眠時逍遙此意誰人會應有青山淥水知

下第寄張坤

謾費精神掉五侯破琴孤劍是身讐九衢雙闕擬何去
玉壘銅梁空舊遊蝴蝶有情牽晚夢杜鵑無賴伴春愁
思量不及張公子經歲池江倚酒樓

東歸別常修

六載辛勤九陌中，却尋歸路五湖東。
名慙桂苑一枝綠，鱸憶松江兩筋紅。
浮世到頭須適性，男兒何必盡成功。
唯慙鮑叔深知我，他日蒲帆百尺風。

言

珪玷由來尚可磨，似簣終日復如何。
成名成事皆因慎，亡國亡家只為多。
須信禍胎生利口，莫將譏思逞懸河。
猩猩鸚鵡無端解，長向人間被網羅。

簡

一作荀

令生日

祥煙靄靄拂樓臺慶積

一作績

玄元節後來已向青陽標

四序便從嵩嶽應三台龜銜玉柄增年算鶴舞瓊筵獻
壽杯自顧下儒何以祝柱天功業濟時才

晚眺

凭古城邊眺晚晴遠村高樹轉分明天如鏡面都來靜
地似人心總不平雲向嶺頭閑不徹水流溪裏太忙生
誰人得及莊居老免被榮枯寵辱驚

野花

一作羅
鄴詩

萬點紅芳血色殷為無名字對空山多因戲蝶尋香住
少有行人輟權攀若在籬間看不足為生江岸見如閒
結根畢竟輸桃李長向春城紫陌間

病驄馬

檻上病驄蹄裏裏江邊廢宅路迢迢自經梅雨長垂耳
乍食菰漿欲折腰金絡銜頭光未減玉花毛色瘦來焦
曾聽禁漏驚街鼓慣踏康莊怕小橋夜半雄聲心尚壯
日中高臥尾還搖龍媒落地天池遠何事牽牛在碧霄

狄一作秋浦

晴川倚落暉極目思依依野色寒來淺人家亂後稀久

貧

一作遊

身不達多病意長違還有漁舟在時時夢裏歸

南康道中

弱冠負文翰此中聽鹿鳴使君延上榻時輩仰前程丹
桂竟多故白雲空有情唯餘路旁淚霑灑向塵纓

北固亭東望寄默師

高亭暮色中往事更誰同水謾矜天濶山應到此窮病

憐京口酒老怯海門風唯有言堪解何由見遠公

華清宮

樓殿層層佳氣多開元時節好笙歌也知道德勝堯舜
爭奈楊妃解笑何

韓信廟

翦項移秦勢自

一作已

雄布衣還是負深功寡妻稚女

一作

懦夫
女子

俱堪恨却

一作休

把餘

一作聞

杯奠蒯通

韋公子

擊柱狂歌慘別顏百年人事夢魂閒李將軍自嘉一作家

聲在不得封侯亦自一作是閑

望思臺

芳草臺邊魂不歸野煙喬木弄殘暉可憐高祖清平業

留與閑人作是非

帝幸蜀

乾符歲一作狄歸昌詩

馬嵬山色翠

一作煙柳正

依依又見鑾輿幸蜀歸泉下阿蠻

應有語這迴休更怨楊妃

王夷甫

把得閒書坐水濱
讀來前事亦酸辛
莫言麈尾清譚柄
壞却淳風是此人

鷺鷥

斜陽澹澹柳陰陰
風裏寒絲映水深
不要向人誇素白
也知常有羨魚心

書淮陰侯傳

寒燈挑盡見遺塵
試瀝椒漿合有神
莫恨高皇不終始

滅秦謀項是何人

青山廟

子胥廟

市蕭聲咽跡崎嶇雪恥酬恩此丈夫霸主兩忘時亦異
不知魂魄更歸無

小松

一作杜荀鶴詩非

已有清陰逼座隅愛聲仙客肯過無陵遷谷變須高節
莫向人間作大夫

竹

離外清陰接藥闌曉

一作晚

風交戛碧琅玕子猷死

一作殁

後知音少粉節霜筠謾歲寒

謾天嶺

西去休言蜀道難此中危峻已多端到頭未會蒼蒼色

爭得禁他兩度謾

嶺有大謾天小謾天故云

御定全唐詩卷六百六十四

欽定四庫全書

御定全唐詩卷六百六十五

羅隱

補遺

秋蟲賦 并序

秋蟲蜘蛛也致身網羅閒實腹亦網羅閒愚感其
理有得喪因以言賦之

物之小兮迎網而斃物之大兮兼網而逝網也者繩其
小而不繩其大吾不知爾身之危兮腹之餒兮吁

蟋蟀詩

頑颺斃芳吹愁夕長屑戍有動歌離弔夢如訴如言緒
引虛寬周隙伺榻繁咽蚤緣范睡蟬老冠綦綫好不冠
不綫爾奚以悲蚊蚋有毒食人肌肉蒼蠅多端黑白偷
安爾也出處物兮莫累壞舍啼衰虛堂泣曙勿徇誼譁
鼠豈無牙勿學萋菲垣亦有耳危條槁飛抽恨咿咿別
帳缸冷柔魂不定美人在何夜影流波與子佇立裴回
思多

西川與蔡十九同別子超

相歡雖則不多時
相別那能不斂眉
蜀客賦高君解愛
楚宮腰細我還知
百年恩愛無終始
萬里因緣有夢思
腸斷門前舊行處
不堪全屬五陵兒

龍泉

一作丘

東下却寄孫員外

穀江東下幾多程
每泊孤舟即有情
山色已隨遊子遠
水紋猶認主人清
恩如海岳何時報
恨似煙花觸處生
百尺風帆兩行淚
不堪迴首望崢嶸

牡丹

豔多煙重欲開難
紅蕊當心一抹檀
公子醉歸燈下見
美人朝插鏡中看
當庭始覺春風貴
帶雨方知國色寒
日晚更將何所似
太真無力凭闌干

巫山高

下壓重泉上千仞
香雲結夢西風緊
縱有精靈得往來
攬輓軒輊顛隕嵐
光雙雙雷隱隱
愁為衣裳恨為鬢
暮灑朝行何所之
江邊日月情無盡
珠零冷露丹墮楓

細腰長臉愁滿宮人生對面猶異同況在千巖萬壑中

江南行

江煙濕雨鮫綃軟漠漠小

一作遠

山眉黛淺水國多愁又

有情夜槽壓酒銀船滿細絲搖柳凝曉空吳王臺榭春
夢中鴛鴦鸂鶒喚不起平鋪綠水眠東風西陵路邊月

悄悄油碧輕車蘇小小

一作嫁蘇小

空城雀

雀入官倉中所食能捐幾所恨往復頻官倉乃害爾魚

網不在天鳥網不張水飲啄要自然何必空城裏

芳樹

細萼

一作萼

慢逐風暖香閒破鼻青帝固有心時時漏天

一作動人

意去年高枝猶墮地今年低枝已顛顚吾所以見

造化之權變通之理春夏作頭秋冬為尾循環反覆無

終

一作窮

已人生長短同一軌若使威可以制力可以止

則秦皇不肯斂手下沙丘孟賁不合低頭入萬里伊人

強猛猶如此顧我勞生何足恃但願我開素袍傾綠蟻

陶陶兀兀大醉于清宵一作青冥白晝間任他上是天下是地

聽琴

寒雨蕭蕭落井梧夜深何處怨啼烏不知一盞臨卽酒
救得相如渴病無

大梁見喬詡

湘水春浮岸淮燈夜滿橋六年悲梗斷兩地各萍漂刀
筆依三事篇章奏珥貂跡卑甘汨沒名散稱逍遙好寺

松為徑空江桂作橈野香花伴落缸暖酒和燒晉沼尋
遊鳳秦冠竟歎鷄骨凡鷄犬薄魂斷蕙蘭招悵望添燕
瑄蹉跎厭魯瓢敗桐方委爨冤匣正冲霄戰代安釐國
封崇孝景朝千年非有限一醉解無聊漏永燈花暗爐
紅雪片銷久遊家共遠相對鬢俱凋運命從難合光陰
奈不饒到頭蓑笠契兩信釣魚潮

寄洪正師

寄蹇渾成跡經年滯杜南價輕猶有二足則已過三鷄

肋曹公愈猪肝仲叔慙會應謀避地依約近禪菴

聖真觀劉真師院十韻

簾下嚴君卜窗閒少室峰攝生門已盡混跡世猶逢山

藪師王烈簪纓友戴顓魚跳介象

見三國吳書十八卷注象字元則會稽人

有仙術

鱸飯吐葛玄蜂紫飽垂新榘黃輕墮小松塵埃金

谷路樓閣上陽鐘野耗

一作鶴

鳶肩寄仙書鳥爪封支牀

龜縱老取箭鶴何慵別久曾牽念閑來宵壓重尚餘青

竹在試為剪

一作誰為未

成龍

寄聶尊師

欲芟荆棘種交梨
指畫城中日恐遲
安得紫青磨鏡石
與君閑處看榮衰

金山僧院

根盤蛟蜃路藤蘿
四面無塵輟棹過
得似吾師始惆悵
眼前終日有風波

酬高崇節

舊遊雖一夢
別緒忽千般
敗草湯陵晚
衰槐楚寺寒
數

奇常自愧時薄欲何干猶賴君相勉慙慙貢禹冠

送汝州李中丞十二韻

羣盜方為梗分符奏未寧黃巾攻郡邑白挺掠生靈
塵土周畿暗瘡痍汝水腥一兇雖剪滅數縣尚凋零
理必資寬猛謀須藉典刑與能纔物論慎選忽天庭
官品尊臺秩山河擁福星虎知應去境牛在宥全形
舊政窮人瘼新銜展武經關防秋草白城壁晚峰青
破膽期來復迷魂想待醒魯山行縣後聊為奠惟馨

淮南送節度盧端公將命之汴州端公常為汴
州相公從事

吹臺高倚圃田東此去輶車事不同珠履舊叅蕭相國
綵衣今佐晉司空醉離淮甸寒星下吟指梁園密雪中
到彼的知宣室語幾時徵拜黑頭公

送盧端公歸臺盧校書之夏縣

綿綿隄草拂征輪龍虎俱辭楚水濱只見勝之為御史
不知梅福是仙人地推八米源流盛才笑三張事業貧

一種西歸一般達柏臺霜冷夏城春

送朗州張員外

聖朝綸閣最延才須牧生民始入來鳳藻已期他日用
隼旗應是隔年迴旗飄峴首嵐光重酒奠湘江杜魄哀
腸斷秦原二三月好花全為使君開

淮南送工部盧員外赴闕

一作任

始從豸角曳長裾又吐鷄香奏玉除隋邸舊僚推謝掾
漢廷高議得相如貴分赤筆升蘭署榮著緋衣從板輿

遙想到時秋欲盡禁城涼冷露槐疎

淮南送司勳李郎中赴闕

中朝品秩重文章雙筆依前賜望郎五夜星辰歸帝座
半年樽俎奉梁王南都水煖蓮分影北極天寒雁著行
不必戀恩多感激過淮應合見徵黃

送陸郎中赴闕

幕下留連兩月強爐邊侍史舊焚香不關雨露偏垂意
自是鴛鴦合著行三署履聲通建禮九霄星彩映

應一作

明光少瑜鏤管丘遲錦從此西垣使鳳凰

途中送人東遊有寄

離騷莫惜暫逡巡君向池陽我入秦歲月易拋非曩日
酒榼難得是同人路經隋苑橋燈夜江轉臺城岸草春
此處故交誰見問為言霜鬢壓風塵

過廢江寧縣

王昌齡會
尉此縣

縣前水色細鱗鱗一為夫君弔水濱漫把文章矜後代
可知榮貴是他人鶯偷舊韻還成曲草賴餘吟盡解春

我亦有心無處說等閑停棹似迷津

邊夜

光景漂如生涯轉似萍雁門窮朔路牛斗故鄉星句

盡人

一作書
罷愁

誰切歌終淚自零夜闌迴首算何處不長

亭

哭張博士太常

前輩脩云歿媿君曾比

一作北

方格卑雖不稱言重亦難

忘諫草猶青瑣悲風已白揚只應移理窟泉下對真長

淮口軍葬

一陣孤軍不復迴更無分別只荒堆莫言賦分須如此
曾作文皇赤子來

燕昭王墓

戰國蒼茫難重尋此中踪跡想知音強停別騎山花曉
欲弔遺魂野草深浮世近來輕駿骨高臺何處有黃金
思量郭隗平生事不殉昭王是負心

江南

玉樹歌聲澤國春
纍纍輜重憶亡陳
垂衣端拱渾閑事
恐把江山乞與人

江北

廢宮荒苑莫閒愁
成敗終須要徹頭
一種風流一種死
朝歌爭得似揚州

早登新安縣樓

關城樹色齊往事
未全迷塞路真人
氣封門壯士泥草
濃延蝶舞花密教
鶯啼若以鳴為德
鸞皇不及鷄

干越亭

楚水蕭蕭多病身，強凭危檻送殘春。
高城自有陵兼谷，流水那知越與秦。
岸下藤蘿陰作怪，橋邊蛟蜃夜欺人。
琵琶洲遠江村闊，迴首征途一作帆淚滿巾。

南園題

一本少起四句，注云闕題。

搏擊路終迷，南園且灌畦。
敢言逃俗態，自是樂幽棲。
葉長春松闊，科圓早薤齊。
雨霑虛檻冷，雪壓遠山低。
竹好還成徑，桃夭亦有蹊。
小窗奔野馬，閑甕養醯雞。
水石心

逾切煙霄分已睽病憐王猛畚愚笑隗囂泥澤國潮平
岸江村柳覆堤到頭乘興是誰手好捉攜

人日新安道中見梅花

其年以徐寇停舉

長途酒醒臘春寒嫩蕊香英撲馬鞍不上壽陽公主面
憐君開得却無端

許由廟

高掛風瓢濯漢濱土階三尺愧清塵可憐比屋堪封日
若到人間是衆人

題段太尉廟

近甸蒙塵日南梁反正年飄流茂陵
旛零落太官椽建
纛非降楚披圖異錄燕堪嗟侍中
血不及御衣前

湘妃廟

劉表荒碑斷水濱廟前幽草閉殘春
已將怨淚流斑竹
又感悲風入白蘋八族未來誰北拱
四兇猶在莫南巡
九峰相似堪疑處望見蒼梧不見人

八駿圖

穆滿當年物外程
電腰風脚一何輕
如今縱有驂騑在
不得長鞭不肯行

庭花

昨日芳艷濃開尊
幾同醉今朝風雨惡
惆悵人生事南
戚病不起西子老
兼至向晚寂無人
相偎墮紅淚

病中題主人庭鶴

遼水華亭舊所聞
病中毛羽最憐君
稻粱且足身兼健
何必青雲與白雲

蟬

天地工夫一不遺與君聲調借君綏風棲露飽今如此
應忘當年滓濁時

薛陽陶甯策歌

平泉上相東征日曾為陽陶歌甯策烏江太守會稽侯

平泉為李德裕曾作薛陽陶甯策歌蘇州刺史白居易
越州刺史元稹並有和篇此言烏江恐是吳江乃蘇州

也相次三篇皆俊逸橋山殯葬衣冠後金印蒼黃南去

疾龍樓冷落夏口寒從此風流為廢物人間至藝難得

主懷抱差池恨星律邗溝僕射戎政閑試渡瓜洲吐伊

鬱西風九月草樹秋萬喧沈寂登高樓左

一作老

筇揭指

徵羽吼煬帝起坐淮王愁高飄咽滅出滯氣下感知已

時橫流穿空激遠不可遏髣髴似向伊水頭伊水林泉

今已矣因取遺編認前事武宗皇帝御宇時四海恬

一作

怡然知所自掃除桀黠似提帚制壓羣豪若穿鼻九鼎

調和各有門謝安空儉真兒戲功高近代竟誰知藝小

似君猶不棄勿惜暗鳴更一吹與君共下難逢淚

酬丘光庭

正月十一日書札五月十六日到來柳吟秦望咫尺地
鯉魚何處聞裴回故人情意未疎索次第序述看眼開
上言二年隔煙水下有數幅真瓊瑰行吟坐讀口不倦
瀑泉激射琅玕摧壁池蘭蕙日已老村酒蘸甲時幾杯
鶴齡鴻筭不復見雨後蓑笠空莓苔自從黃寇擾中土
人心波蕩猶未迴道一作趙殷合眼拜九列張濬掉舌升
三台朝廷濟濟百揆序寧將對面容姦回禍生有基妖

有漸翠華西幸蒙塵埃三川梗塞兩河閉大明宮殿生
蒿萊懦夫早歲不量力策蹇仰北高崔嵬千門萬戶扃
鎖密良匠不肯雕散材君今得意尚如此況我麋鹿悠
悠哉榮衰貴賤目所睹莫嫌頭白黃金臺

投宣武鄭尚書二十韻

漢代簪纓盛梁園雉堞雄物情須重德時論在明公族
大踰開魏神高本降嵩世家惟蹇諤官業即清通翰苑
論思外綸闡嘯傲中健豪驚綵鳳高步出冥鴻履歷雖

吾道行藏必聖聰
絳霄無繫滯浙水
忽西東庾監高樓
月袁郎滿扇風
四年將故事兩地
有全功去去才須
展行行道益隆
避權辭憲署仗節
出南宮雁影相承
接龍圖共始終
自然須作礪不必
恨臨戎幕下蓮花
盛竿頭彈佩紅騎
兒逢郭伋戰士得
文翁人地應無比
簞瓢奈屢空因思
一枝桂已作斷根
蓬往事應歸捷勞
歌且責躬殷勤信
陵館今日自途窮

投浙東王大夫二十韻

越嶺千峰秀淮流一派長暫憑開物手來展濟時方舊
跡蘭亭在高風桂樹香池清無等級天闊任徊翔塵尾
談何勝螭頭筆更狂直曾批鳳詔高已冠鴻行嘯傲辭
民部雍容出帝鄉趙堯推印綬句踐與封疆水占仙人
吹城留御史牀嘉賓鄒潤甫百姓賀知章席煖飛鸚鵡
塵輕駐驕驕夜歌珠斷續晴舞雪悠揚化向棠陰布春
隨棣萼芳盛名韜不得雄畧晦彌彰自愧三冬學來窺
數仞牆感深惟刻骨時去欲霑裳想望魚燒尾咨嗟鼠

嚙腸可能因蹇拙便合老滄浪題柱心猶壯移山志不
忘深慙百般病今日問醫王

寄剡縣主簿

金庭養真地球篆會稽官境勝堪長往時危喜暫安洞
連滄海闊山擁赤城寒他日拋塵土因君擬煉丹

中秋不見月

風簾浙浙漏燈痕一半秋光此夕分天為素娥孀怨苦
併教西北起浮雲

答宗人衮

崑崙水色九般流，飲即神仙愁。即休敢恨守株曾失意，始知緣木更難求。鶴原謾欲均餘力，鶴髮那堪問舊遊。遙望北辰當上國，羨君歸棹五諸侯。

早行

雨灑江聲風又吹，扁舟正與睡相宜。無端戍鼓催前去，別却青山向曉時。

咏白菊

一作羅
紹威詩

雖被風霜競欲催
皎然顏色不低摧
已疑素手能耕出
又似金錢未染來
香散自宜飄淥酒
葉交仍得蔭香苔
尋思閉戶中宵見
應認寒窗雪一堆

晚泊宿松

解纜隨江流
晚泊古淮岸
歸雲送春和
繁星麗雲漢
春深胡雁飛
人喧水禽散
仰君邈難親
沈思夜將旦

錢塘遇默師憶潤州舊遊

歌敲玉唾壺
醉擊珊瑚枝
石羊妙善街
甘露平泉碑
捫

苔想豪傑別蘇看文詞歸來北固山水檻光參差

江南別

去年今夜江南別鴛鴦翅冷飛蓬燕今年今夜江北邊
鯉魚腸斷音書絕男兒心事無了時出門上馬不自知

四頂山

勝景天然別精神入畫圖一山分四頂三面瞰平湖過
夏僧無熱凌冬草不枯遊人來至此願剃髮和鬚

姥山

臨塘古廟一神仙繡幌花容色儼然為逐朝雲來此地
因隨暮雨不歸天
看分初月湖中鑑香散餘風竹上煙
借問邑人沈水事已經秦漢幾千年

岐王宅

朱邸平臺隔禁闌貴遊陳跡尚依稀雲低雍畤祈年去
雨細長楊從獵歸
申白賓朋傳道義應劉文彩寄音徽
承平舊物惟君一作名盡猶寫雕鞍伴六飛

長明燈

破暗長明世代深
煙和香氣兩沈沈
不知初點人何在
祇見當年火至今
曉似紅蓮開沼面
夜如寒月鎮潭心
孤光自有龍神護
雀戲蛾飛不敢侵

堠口逢人

艱難別離久
中外往還深
已改當時髮
空餘舊日心

過邊使

累年無的信
每夜望邊城
袖掩千行淚
書封一尺金

移住別友

自到西川住唯君別有情常逢對門遠又隔一重城

宮詞

巧畫蛾眉獨出羣當時人道便承恩經年不見君王面
落日黃昏空掩門

涇溪

涇溪石險人兢懼終歲不聞傾覆人却是平流無石處
時時聞說有沈淪

題杜甫集

楚水悠悠浸楚

一本缺此字

亭楚南天地兩無情忍交孫武

重泉下不見時人說用兵

感弄猴人賜朱紱

幕府燕閑錄云唐昭宗播遷隨駕使藝人止有弄猴者猴

頗馴能隨班起居昭宗賜以緋袍號孫供奉故羅隱有詩云云朱梁篡位取此猴令殿下起居猴望殿陛見全忠徑趣其所跳躍奮擊遂令殺之

十二三年就試期五湖煙月奈相違何如買取胡孫弄

一作學取孫供奉

一笑君王便著緋

題磻溪垂釣圖

錢氏有國西湖漁者日納魚數斤謂之使宅魚隱題此圖遂鏤

其徵

呂望當年展廟謨直鉤釣國更誰如若教生在西湖上
也是須供使宅魚

春風

也知有意吹噓切爭奈人間善惡分但是糝糠微細物
等閑擡舉到青雲

竹下殘雪

牆下濃陰對此君小山尖險玉為羣夜來解凍風雖急

不向寒城減一分

杏花

暖氣潛催次第春
梅花已謝杏花新
半開半落閑園裏
何異榮枯世上人

鎮海軍所貢

題不全

簷前飛雪扇前塵
千里移添上苑春
他日丁寧柿林院
莫宣恩澤與閑人

席上歌水調

餘聲宛宛拂庭梅
通濟渠邊去又回
若使煬皇魂魄在
為君應合過江來

題新榜

在浙幕沈崧得
新榜示題其末

黃土原邊狡兔肥
犬如流電馬如飛
灞陵老將無功業
猶憶當時夜獵歸

句

夏窗七葉連陰暗

游城南記杜佑有別墅為城南之最
有樹每朶七葉因為名隱詩紀之

賴家橋上滴河邊

隱又有城南雜感詩其題有景星
觀姚家園葉家林及此句今雜感

亡詩 細看月輪真有意已知青桂近嫦娥

曾公類苑裴筠娶蕭楚公

女便擢進士
隱詩云云

一箇禰衡容不得思量黃祖謾英雄

越吳

備史隱初見錢鏐懼不見用遂以所為夏口
詩標於卷末云云鏐覽之大笑因加殊遇

張華謾

出如丹語不及劉侯一紙書

鑑戒錄云鄭畋
女喜隱此詩

山雨霏

微宿上亭雨中因想雨淋鈴

上亭驛
天中記

老僧齋罷關門

睡不管波濤四面生

金山僧院
詩話總龜

御定全唐詩卷六百六十五

欽定四庫全書

集部

御定全唐詩卷六百

六十六至
七十

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣石鴻翦

謄錄監生臣朱續曾

欽定四庫全書

御定全唐詩卷六百六十六

羅虬

羅虬台州人詞藻富贍與隱鄴齊名世號三羅累舉不第為鄜州從事比紅兒詩百首編為一卷

比紅兒詩

比紅者為雕陰官妓杜紅兒作也美貌年少機智慧悟不與羣輩妓女等余知紅者廼擇古之美色

灼然於史傳三數十輩優劣於章句間遂題比紅

詩

廣明中虬為李孝恭從事籍中有善歌者杜紅兒虬今之歌贈以綵孝恭以紅兒為副戎所盼

不令受虬怒手刃紅兒
既而追其寃作比紅詩

姓字看侵尺五天芳菲

一作名

占斷百花鮮馬嵬好笑當

時事虛賺明皇幸蜀川

金谷園中花正繁陸樓從道感深恩齊奴却是來東市

不為紅兒死更寃

陷却平陽為小憐周師百萬戰長川更教乞與紅兒貌

舉國山川一作河不值錢

一曲都緣張麗華六宮齊唱後庭花若教比並紅兒貌
枉破當年國與家

樂營門外柳如陰中有佳人畫閣深若是五陵公子見
買時應不啻一作惜千金

青絲高綰石榴裙腸斷當筵酒半醺置向漢宮圖畫裏
入胡應不數昭君

斜凭欄杆醉態新歛眸微盼不勝春當時若遇東昏主

金葉蓮花是此人

匝西千山與萬山
碧桃花下景長閒
神仙得似紅兒貌
應免劉郎憶世間

越山重疊越溪斜
西子休憐解浣紗
得似紅兒今日貌

宵教將去與一作見夫差

詔下人間覓一作選好花
月看雲髻一作畫名選人家
紅兒若

向當時見繫臂
先封第一紗

鋒鏑縱橫不敢看
淚垂玉筍正洄瀾
應緣近似紅兒貌

始得深宮奉五官

金縷濃薰百和香
臉紅眉黛入時妝
當時便向喬家見
未敢將心在窈娘

通宵甲帳散香塵
漢帝精神禮百神
若見紅兒醉中態
也應休憶李夫人

拔得芙蓉出水新
魏家公子信才人
若教瞥見紅兒貌
不肯留情付洛神

芳姿不合並常人
雲在遙天玉在塵
因事愛思荀奉倩

一生閒坐枉傷神

筆底如風思湧泉賦中休謾說嬋娟紅兒若在東家住
不得登牆爾許年

一抹濃紅傍臉斜妝成不語獨攀花當時若是逢韓壽
未必埋蹤在賈家

樹裏西風日半沈地無人跡轉傷心阿嬌得似紅兒貌
不費長門買賦金

五雲高捧紫金堂花下投壺侍玉皇從到

一作道

世人都

不識也應知有杜蘭香

戲水源頭指舊蹤當時一笑也難逢
紅兒若為迴桃臉
豈比連催舉五烽

虢國夫人照夜璣若為求得與紅兒
醉和香態濃春睡

一作裏
一樹繁花偃繡幃

知有持盈玉葉冠剪雲裁月照人寒
若使紅兒風帽一作

貌
戴直使瑤池會上看

明媚何曾讓玉環
破瓜年幾百花顏
若教貌向南朝見

定却梅妝似等閒

世事悠悠未足稱肯將閒事更爭能自從命向紅兒去

斷一作不欲留心在裂繒

自隱新從夢裏來嶺雲微步下陽臺含情一向春風笑
羞殺凡花盡不開

捨却青娥換玉鞍古來公子苦無端莫言一匹追風馬
天驥牽來也不看

檻外花低瑞露濃夢魂驚覺暈春容憑君細看紅兒貌

最稱嚴妝待曉鐘

薄羅輕剪越溪紋
鴟翅低垂兩鬢分
料得相如偷見面
不應琴裏挑文君

南國東隣各一時
後來惟有杜紅兒
若教楚國宮人見
羞把腰身並柳枝

照耀金釵簇膩鬟
見時直向畫屏間
黃姑阿母能判剖
十斛明珠也是閒

輕小休誇似燕身
生來占斷紫宮春
漢皇若遇紅兒貌

掌上無因著別人

鸚鵡娥如裊露紅鏡前
看樣自深宮稍教得似紅兒貌
不嫁南朝沈侍中

擬將心地學安禪
爭柰紅兒笑靨圓
何物把來堪比並
野塘初綻一枝蓮

浸草漂花遠檻香
最憐穿度樂營牆
殷勤留滯緣何事
曾照紅兒一面妝

雕陰舊俗

一作似

騁嬋娟有箇紅兒賽
洛川常笑世人語

虛

一作多誕

今朝自見火中蓮

渡口諸儂樂未休
竟陵西望路悠悠
石城有箇紅兒貌
兩槩無因迎莫愁

誰向深山識大仙
勸人山上引春泉
定知不及紅兒貌
枉却工夫溉玉田

傾國傾城總絕倫
紅兒花下認真身
十年東北看燕趙
眼冷何曾見一人

今時自是

一作謂

不諳知前代由來豈

一作事

見遺

一作為

一

笑陽城人便惑何堪教見杜紅兒

京口喧喧百萬人競傳河鼓謝星津
柰花似雪簪雲髻今日天容是後身

青史書時未是真可能纖手

一作智

却強秦再三為謝齊

皇后要解連環別與人

繡帳鴛鴦對刺紋博山微暖麝微曛詩成

一作人

若有紅

兒貌悔道當時月墜雲

薄粉輕朱取次施大都端正亦相宜
只如花下紅兒態

不藉城中半額睂

妝成渾欲認前朝金鳳雙釵
逐步搖未必慕容宮裏伴
舞風歌月勝纖腰

琥珀釵成思正深玉兒妖惑蕩君心
莫教回首看妝面
始覺曾虛擲萬金

自有閒花一面春臉檀睂黛
一時新殷勤為報梁家婦
休把啼妝賺後人

輕梳小髻號慵來巧中君心
不用媒可得紅兒拋醉眼

漢皇恩澤一時迴

千里長江旦暮潮吳都風俗尚纖腰周郎若見紅兒貌
料得無心念小喬

月落潛奔暗解攜本心誰道獨單棲還緣交甫非良偶
不肯終身作羿妻

漢皇曾識許飛瓊寫向人間作畫屏昨日紅兒花

一作簾

下見大都相似更娉婷

魏帝休誇薛夜來霧綃雲縠稱身裁紅兒秀

一作笑

發君

知否倚檻繁花帶露開

曉月雕梁燕語頻見花難可比他人年年媚景歸何處
長作紅兒面上春

逗玉澣盆冬殿開邀恩先賜夜明苔紅兒若是三千數
多少芳心似死灰

畫簾垂地紫金牀暗引羊車駐七香若見紅兒此中住
不勞鹽篠灑宮廊

蘇小空勻

一作輕勻

一面妝便留名字在

一作著

錢塘藏鴉門

外諸年少不識紅兒未是狂

一首長歌萬恨來惹愁漂泊水難迴
崔徽有底多頭面
費得微之爾許才

昔年黃閣識奇章
愛說真珠似竊娘
若見紅兒深夜一作
深態便應休說繡衣裳

鳳折鶯

一作鶯

離恨轉深此身難負百年心
紅兒若向隋

朝見破鏡無因更重尋

行綰穠雲立暗

一作曙

軒我來猶愛不成寬
當時若見紅兒

貌未必邢

一作形

相有此言

總似

一作是

紅兒媚態新莫論千度笑爭春任伊孫武心

如鐵不辦軍前殺此人

暖塘爭赴盪舟期行唱菱歌著艷詞為問東山謝丞相
可能諸妓勝紅兒

吳興皇后欲辭家澤國重臺展曙華今日紅兒貌傾國
恐須真宰別開花

陌上行人歌黍離三千門客欲何之若教粗及紅兒貌

爭敢樓前斬愛姬

休話如臯一笑時

一作金驛

中臆錦離披陋容枉把雕

弓射射盡春禽未展眉

長恨西風送早秋低眉深恨

一作念

嫁牽牛若同人世長

相對爭作夫妻得到頭

謝娘休漫逞風姿未必娉婷勝柳枝聞道只因嘲落絮
何曾得似杜紅兒

總傳桃葉渡江時只為王家一首詩今日紅兒自堪賦

不須重唱舊來詞

巫山洛浦本無情，總為佳人便得名。
今日雕陰有神艷，後來公子莫相輕。

幾拋雲髻恨金墉，淚洗花顏百戰中。
應有紅兒些子貌，却言皇后長深宮。

倚檻還應有所思，半開東一作香閣見嬌姿。
可中得似紅

兒貌，若遇韓朋好殺伊。

曉向妝臺一作紗窗與畫眉，鏡中長欲助嬌姿。
若教得似紅

兒貌走馬章臺任道遲

練得霜華助翠鈿
相期朝謁玉皇前
依稀似紅兒貌
方得吹簫引上天

重門深掩幾枝花
未勝紅兒莫大誇
王相

一作玉柄

不能探

物理可能虛上短轅車

前代休憐事可奇
後來還出有光輝
爭知晝卧紗窗裏

不見

一作有

神人覆玉衣

化羽

一作羽化

嘗聞赴九天
只疑塵世是虛傳
自從一見紅

兒貌始信人間有謫仙

從道長陵小市東
巧將花貌占春風
紅兒若是同時見
未必伊先入紫宮

人間難免是深情
命斷紅兒向此生
不似一作何似前時李

丞相枉拋才力為鶯鶯

鳳舞香飄繡幕風
暖穿馳道百花中
還緣有似紅兒貌
始道迎將入漢宮

休道將軍出世才
盡驅諸妓下歌臺
都緣沒箇紅兒貌

致使輕教後閣開

馮媛須知住漢宮將身只是解當熊不聞有貌傾人國

爭得今朝更似一作紅

能將一笑使人迷花艷何須上大堤疎屬便同巫峽路

洛川真是武陵溪

辭輦當時意可知寵深還恐寵先衰若教得似紅兒貌
占却君恩自不疑

三吳時俗重風光未見紅兒一面妝好寫妖嬈與教看

便應休更話真娘

波平楚澤浸星辰臺上君王宴早春畢竟章華會中客
冠纓虛絕為何人

紅兒不向漢宮生便使雙成謾得名疑是麻姑惱塵世
暫教微步下層城

天碧輕紗只六銖宛如

一作風

含露透肌膚便教漢曲爭

明媚應沒心情更弄珠

共嗟含恨向衡陽方寸花牋寄沈郎不似紅兒些子貌

當時爭得少年狂

淺色桃花亞短牆不因風送也聞香
凝情盡日君知否
還似紅兒淡薄妝

火色櫻桃摘得初仙宮只有世間無
凝情盡日君知否
真似紅兒口上朱

宿雨初晴春日長入簾花氣靜難忘
凝情盡日君知否
真似紅兒舞袖香

初月纖纖映碧池池波不動獨看時
凝情盡日君知否

真似紅兒罷舞看

濃艷濃香雪壓枝
裊煙和露曉風吹
紅兒被掩妝成後
含笑無人獨立時

樓上嬌歌裊夜霜
近來休數踏歌娘
紅兒謾唱伊州遍
認取輕敲玉韻長

金粟妝成扼臂環
舞腰輕薄

一作轉

瑞雲間
紅兒生在開

元未羞殺新豐謝阿蠻

君看紅兒學醉妝
誇裁宮額研裙長
誰能更把閒心力

比並當時武媚娘

梳子同心裛露垂
折來深恐沒人知
花前醉客頻相問
不贈紅兒贈阿誰

雲間翡翠一雙飛
水上鴛鴦不暫離
寫向人間百般態
與君題作比紅詩

舊恨長懷不語中
幾回偷泣向春風
還緣不及紅兒貌
却得生教入楚宮

一舸春深指鄂君
好風從渡水成紋
越人若見紅兒貌

繡被應羞徹夜薰

花落塵中玉墮泥香魂應上窈娘堤欲知此恨無窮處
長倩城烏夜夜啼

句

窗前遠岫懸生碧簾外殘霞挂熟紅

一作桃花熟紅
見語林

御定全唐詩卷六百六十六

欽定四庫全書

御定全唐詩卷六百六十七

鄭損

鄭損僖宗時中書舍人詩六首

星精亭

通江志玄妙觀有星精石唐人刻篆甚多損詩尚存時書街為推官

星沈萬古痕孤絕勢無鄰

一作羣

地窄少留竹空多剩占

雲釣篷和雨看樵斧帶霜聞莫惜尋常到清風不負人

釣閣

小閣愜幽尋周遭萬竹森誰知一沼內亦有五湖心
鉤直魚應笑身閒樂自深晚來春醉熟香餌任浮沈

玉聲亭

世間泉石本無價那更天然落景中漢佩琮琤寒溜雨
秦簫縹緲夜敲風一方清氣羣陰伏半局閒棋萬慮空
借問主人能住久後來好事有誰同

藝堂

堂開凍石千年翠藝講秋膠百步威揖讓未能忘典禮

英雄孰不慣戎衣風波險似金機駭日月忙如雪羽飛
莫怪尊前頻浩歎男兒志願與時違

星精石

突險呀空龍虎蹲由來英氣蓄寒根蒼苔點染雲生厯
老雨淋漓鐵漬痕松韻遠趨疑認祖山陰輕覆似憐孫
孤巖恰恰容幽構可愛江南釋子園

泛香亭

流杯處處稱佳致何似斯亭出自然山溜穿雲來幾里

石盤和蘚鑿何年聲交鳴玉歌沈板色幌寒金酒滿船
莫怪坐中難得醉醒人心骨有潺湲

張禕

張禕字冠章南陽人官中書舍人從僖宗幸蜀終兵部
尚書詩二首

巴州寒食晚眺

東望青天周與秦杏花榆葉故園春野寺一傾寒食酒
晚來風景重愁人

題擊甌樓

駐旌元帥遺風在擊缶高人逸興酣
水轉巴文清溜急
山連蒙岫翠光涵

盧攜

盧攜字子升范陽人擢進士第由臺省歷戶部侍郎翰林學士乾符中拜門下侍郎同平章事黃巢入關仰藥死詩一首

題司空圖壁

姓氏司空貴官班御史卑老夫如且在不用歎屯奇

李廷璧

李廷璧僖宗朝登進士第詩一首

愁詩

到來難遣去難留著骨黏心萬事休
潘岳愁絲生鬢裏
婕妤悲色上睂頭
長途詩盡空騎馬
遠雁聲初獨倚樓
更有相思不相見
酒醒燈背月如鉤

許三畏

許三畏僖宗時進士詩一首

題菖蒲廢觀

本是安期燒藥處
今來改作坐禪宮
數僧梵響滿樓月
深谷猿聲半夜風
金簡事移松閣迥
綵雲影散閭山空
我來不見修真客
却得真如問遠公

盧嗣業

盧嗣業范陽人綸之孫也
乾符五年登進士第
廣明初以長安尉直昭文館
累遷右補闕後辟都統判官檢校

禮部郎中詩一首

致孫狀元訴醵罰錢

北里志云曲內妓之頭角者為都知分管諸妓俾追

召勾曲中常價一席四銀見燭即倍新郎君更倍其數云復分錢鄭舉舉者善令章與絳真互為席糾皆都知也是年孫偓為狀元頗惑舉舉與同年侯潛杜彥殊崔昭愿趙光逢盧擇李茂勲數人多在其舍他人不得預嗣業與同年非舊知聞多稱力窮不遵醵罰故有此篇

未識都知面頻輸復分錢苦心事筆硯得志助花鈿徒步求秋賦持杯給暮饘力微多謝病非不奉同年

牛嶠

牛嶠字松卿一字延峰隴西人自云僧孺之孫乾符五年登進士第歷官尚書郎王建鎮蜀辟判官及僭位為給事中歌詩三卷今存六首

紅薔薇

曉啼珠露渾無力
繡簇羅襦不著行
若綴壽陽公主額
六宮爭肯學梅妝

楊柳枝五首

解凍風來末上青
解垂羅袖拜卿卿
無端裊娜臨官路

舞送行人過一生

吳王宮裏色偏深一簇纖條萬縷金不憤錢塘蘇小小

引郎松

一作枝

下結同心

橋北橋南千萬條恨伊張緒不相饒金羈白馬臨風望
認得羊家靜婉腰

狂雪隨風撲馬飛惹煙無力被春欺莫交移入靈和殿
宮女三千又妬伊

裏翠籠煙拂暖波舞裙新染麴塵羅章華臺畔隋堤上

傍得春風爾許多

鄭合

一作鄭合敬

鄭合乾符三年登第終諫議大夫詩一首

及第後宿平康里詩

春來無處不閒行
楚潤相看別有情
好是五更殘酒醒
時時聞喚狀頭聲

李搏

李搏登乾符進士第詩二首

賀裴廷裕蜀中登第詩

銅梁千里曙雲開
仙籙新從紫府來
天上已張新羽翼
世間無復舊塵埃
嘉禎果中君平卜
賀喜須斟卓氏杯
應笑戎藩刀筆吏
至今泥滓曝魚鰓

復譔廷裕

曾隨風水化凡鱗
安上門前一字新
聞道蜀江風景好
不知何似杏園春

李克

一作
允恭

李克恭乾符中舉子詩一首

弔賈島

一一玄微縹緲成
盡吟方便爽神情
宣宗謫去為閒事
韓愈知來已振名
海底也應搜得淨
月輪常被翫教傾
如何未隔四十載
不遇論量向此生

程賀

程賀中和二年登進士第詩一首

君山

曾游方外見麻姑說道君山此本無云是崑崙山頂石
海風吹落洞庭湖

盧尚卿

盧尚卿中和二年登第詩一首

東歸詩

九重丹詔下塵埃深鎖文闈罷選才桂樹放教遮月長
杏園終待隔年開自從玉帳論兵後不許金門諫獵來
今日灞陵橋上過路人應笑臘前回

顧在鎔

顧在鎔蘇州人光啓二年進士第詩三首

題玉芝雙奉院

入門如洞府花木與時稀
夜坐山當戶秋吟葉滿衣
犬隨童子出鳥避俗人飛
至藥應將熟年年火氣微

宿麻平驛

及到怡情處暫忘登陟勞
青山看不厭明月坐來高
犬為孤村吠猿因冷水號
微吟還獨酌多興憶同袍

題光福上方塔

蒼島孤生白浪中，倚天高塔勢翻空。
煙凝遠岫列寒翠，霜染疎林墜碎紅。
汀沼或栖彭澤雁，樓臺深貯洞庭風。
六時金磬落何處，偏傍蘆葦驚釣翁。

翁洮

翁洮字子平，睦州人。光啓三年進士第，官主客員外郎。
歸隱青山，徵召不起。詩十三首。

枯木詩辭召命作

枯木傍溪崖由來歲月賒有根盤水石無葉接煙霞二月苔為色三冬雪作花不因星使至誰識是靈槎

贈進士王雄

河清海晏少波濤幾載垂鉤不得鰲空向人間修諫草又來江上詠離騷笳吹古堞邊聲遠獄倚晴空楚色高何事明廷有徐度總教三徑卧蓬蒿

漁者

一葉飄然任浪吹雨蓑煙笠肯忘機只貪濁水張羅衆

金方里人ノ二
却笑清流把釣稀葦岸夜依明月宿柴門晴擢白雲歸
到頭得喪終須達誰道漁樵有是非

上子男壽昌宰

陶公為政卓潘齊入縣看花柳滿堤百里江山聊展驥
九臯雲月怪驅雞高樓野色迎襟袖比屋歌聲遠鼓輦
只恐攀轅留不住明時霄漢有丹梯

贈方干先生

由來箕踞任天真別有詩名出世塵不愛春宮分桂樹

欲教天子枉蒲輪
城頭鼙鼓三聲曉
島外湖山一簇春
獨向若耶溪上住
誰知不是釣鰲人

贈進士李德新接海棠梨

蜀人猶說種難成
何事江東見接生
席上若微桃李伴
花中堪作牡丹兄
高軒日午爭濃豔
小徑風移旋落英
一種呈妍今得地
劒峯梨嶺謾縱橫

春日題航頭橋

故園橋上絕埃塵
此日凭欄興自新
雲影晚將仙掌曙

水光迷得武陵春
薜蘿煙裏高低路
楊柳風前去住人
莫怪馬卿題姓字
終朝雲雨化龍津

和方干題李頻庄

高情度日非無事
自是高情不覺喧
海氣暗蒸蓮葉沼
山光晴逗葦花村
吟時勝槩題詩板
靜處繁華付酒尊
閒伴白雲收桂子
每尋流水斲桐孫
猶憑律呂傳心曲
豈慮星霜到鬢根
多少清風歸此地
十年虛打五侯門

葦叢

得地自成蓀那因種植功有花皆吐雪無韻不含風倒
影翹沙鳥幽根立水蟲蕭蕭寒雨夜江漢思無窮

春

漠漠煙花處處通游人南北思無窮林間鳥奏笙簧月
野外花含錦繡風驚抱雲霞朝鳳闕魚翻波浪化龍宮
此時誰羨神仙客車馬悠揚九陌中

夏

觸目皆因長養功浮生何處問窮通柳長北闕絲千縷

雲簇南山火萬籠
大野煙塵飄赫日
高樓簾幙逗薰風
身心已在喧闐處
惟羨滄浪把釣翁

秋

第七句
缺一字

宋玉高吟思萬重
澄澄寰宇振金風
雲閒日月浮虛白
木落山川疊碎紅
寥泝雁多宮漏永
河渠煙斂塞天空
侯門處處槐花
獻賦何時遇至公

冬

寂寂棲心向杳冥
苦吟寒律句偏清
雲凝止水魚龍蟄

雪點遙峰草木榮
迴夜爐翻埃燼色
天河冰輾轆轤聲
歸飛未得東風力
魂斷三山九萬程

李嶼

李嶼光啟三年進士第詩一首

過洞庭

浩渺注橫流千潭合
萬秋半洪侵楚翼
一汊屬吳頭動軸
當新霽漫空正仲
秋勢翻荊口迤聲
擁岳陽浮遠脈滋
衡岳微涼散橘洲
星辰連影動嵐翠
逐隅收漸落分

行雁旋添趁伴舟星騰人莫測安穩路何憂氣與塵中
別言堪象外搜此身如麤了來把一竿休

鄭啟

鄭啟宜春人谷之兄也詩三首

嚴塘經亂書事

塵生宮闕霧濛濛萬騎龍飛幸蜀中在野傳嚴君不夢
乘軒衛懿鶴何功雖知四海同盟久未合中原武備空
星落夜原妖氣滿漢家麟閣待英雄

梁園皓色月如珪清景傷時一慘悽未見山前歸牧馬
猶聞江上帶征鞞為魚隊潛鱗困鶴處雞羣病翅低
正是四郊多壘日波濤早晚靜鯨鯢

鄧表山

白日三清此上時觀開山下彩雲飛仙壇丹竈靈猶在
鶴駕清朝去不歸晉末幾遷陵谷改塵中空換子孫非
松花落盡無消息半夜疎鐘徹翠微

韓儀

韓儀字羽光京兆萬年人偓之兄也以翰林學士為御史中丞朱全忠貶為棣州司馬詩一首

記知聞近過關試

短行軸了付三銓休把新銜惱必先今日便稱前進士
好留春色與明年

溫憲

溫憲庭筠之子登進士第光啓中為山南從事詩四首

郊居

村前村後樹寓賞有餘情青麥路初斷紫花田未耕雉
聲聞不到山勢望猶橫寂寞春風裏吟酣信馬行

杏花

團雪上晴梢紅明映碧寥店香風起夜村白雨休朝靜
落猶和一作頻蒂繁開正蔽條澹然閑賞久無以破妖嬈

春鳩

村南微雨新平綠淨無塵散睡桑條暖閑鳴屋脊春遠
聞和曉夢相應在諸鄰行樂花時節追飛見亦頻

題崇塵寺壁

十口溝隍待一身
半年千里絕音塵
鬢毛如雪心如死
猶作長安下第人

姚巖傑

姚巖傑梁公崇裔孫
以詩酒放遊江左
象溪子二十卷
今存詩一首

報顏標

為報顏公識我麼
我心唯只與天和
眼前俗物關情少

醉後青山入意多
田子莫嫌彈鋏恨
甯生休唱飯牛歌
聖朝若為蒼生計
也合公車到薜蘿

御定全唐詩卷六百六十七